

Daim Ntawv Ceeb Toom Txog CART

Daim ntawv sau lus no tej zaum yuav tsis muaj tag nrho cov lus hais, tej zaum muaj cov lus sau tsis raug, los sis hloov me ntsis. Daim ntawv no tsuas yog muab rau koj saib xwb. Nws tsis yog ib daim ntawv sau lus raws nraim thiab tsis pub siv los ua pov thawj los sis siv mus rau lwm yam.

ASLIS - Lub Koob Tsheej 50 Xyoo Ntawm Early
Childhood Family Education

05/07/2025

>>MI YANG: Nyob zoo sawv ntxov rau nej txhua tus! Zoo siab txais tos nej tuaj koom lub koob tsheej nco txog 50 xyoo ntawm Early Childhood Family Education (ECFE). Ua tsaug ntau rau Teddy Bear Band rau lawv zaj nkauj "We Love You" uas lawv tau hu rau ECFE – peb nyiam zaj nkauj kawg li. Lub koob tsheej no muaj tshwm sim los ntawm Department of Youth and Child Family ECFE. Peb zoo siab heev uas nej tuaj nrog peb ua kev zoo siab hnuv no, vim nws yog ib hnuv tshwj xeeb rau hauv keeb kwm – uas yog 50 xyoo ntawm ECFE nyob rau Minnesota. Hnuv no, tsis yog hais tias peb yuav los tham txog txhua yam uas peb tau ua tiav xwb. Nws tseem yog lub cib fim zoo los hwm thiab qhuas cov tsev neeg, cov kws qhia ntawv, thiab cov zej zog uas tau koom tes tsim ib qho keeb kwm uas muaj kev cia siab, kev kawm, thiab kev sib txuas kom ruaj khov. Ua ntej peb pib, thov nco tias qhov kev sib tham no pib thaum 9 moos 30 sawv ntxov mus txog 10 moos 30 sawv ntxov, thiab nws raug kaw yees duab cia. Tsuas yog cov neeg hais lus xwb uas yuav muaj lawv lub suab thiab lub ntsej muag tshwm hauv daim video. Cov microphones thiab qhov chaw los sau ntawv tham tsuas yog muaj rau cov neeg tuaj hais lus xwb. Muaj cov lus sau uas nej tuaj yeem qhib tau yog nej xav pom kom tshwm. Kev txhais lus piav tes (ASL) kuj tseem muaj tshwm ntawm nej lub vij tsam thiab. Kuv lub npe hu ua Mi Yang, thiab kuv zoo siab ua tus coj lub rooj sib tham rau hnuv no. Nov yog tej yam uas peb yuav tham txog hnuv no: Diane, uas yog tus Commissioner rau fab early childhood hauv Department of children, youth, families yuav qhib peb lub koob tsheej no, los tham thiab nco txog ECFE keeb kwm ntawm Mike Brown, yuav hnov cov dab neeg txhawb zog los ntawm cov tsev neeg uas tau koom nrog ECFE, thiab yuav mloog ib qho kev sib tham uas Darcy Rodriguez yuav coj nrog cov koom tes. Peb yuav kawm txog Eat ECFE nrog Kelly, thiab yuav ua ib qho kev ntsuam xyuas teb lus luv luv ua ntej yuav xaus. Cia peb pib. Thaum peb ua kev zoo siab txog lub sij hawm tseem ceeb no, peb zoo siab txais tos ib tug thawj coj tseem ceeb uas tab tom pab txhawb kev kawm rau cov me nyuam yaus hauv Minnesota. Diane yog tus Commissioner ntawm Department of Children, Youth, and Families. Nws yog tus coj kev kawm rau cov me nyuam yaus thiab cov kev pab cuam saib xyuas me nyuam yaus. Peb muaj hmoo heev uas muaj nws lub tswv yim, lub siab dawb, thiab kev paub dhau los los coj kev kawm rau cov me nyuam yaus thoob plaws hauv lub xeev Minnesota. Thov txais tos tus assistant Commissioner.

>>DIANNE HAULCY: Ua tsaug rau Mi Yang. Kuv zoo siab thiab txaus siab heev uas kuv nyob ntawm no hnuv no. Kuv xav tias kuv muaj hmoo kawg li uas lawv caw kuv tuaj nrog nej sawv daws nyob ua ke hnuv no, los ua kev

zoo siab rau 50 xyoo ntawm ECFE. Qhov kev nco hnuv tseem ceeb no tsis yog vim hais tias nws txog ib nrab puas xyoo ntawm ib qho program xwb. Nws yog ib qho kev txhawb dag zog tias thaum peb nqis peev khiav dej num pab rau cov me nyuam yau thiab lawv tsev neeg, tej yam zoo yeej yuav tshwm sim. Hnuv no peb ua kev zoo siab txog qhov ECFE tau ua, uas muaj txiaj ntsig rau peb. Peb tig rov qab mus saib rau yav qub qab thiab txoj kev uas tau koj peb los txog ntawm no. Thiab peb ntsia tom ntej 50 xyoo ntxiv seb txoj kev txhawb nqa cov me nyuam yaus thoob plaws hauv lub xeev Minnesota yuav mus zoo li cas txuas ntxiv. ECFE yog ib qho kev pab cuam tshwj xeeb heev ntawm Minnesota. Nws muaj nyob hauv 323 thiab 327 lub koog chaw kawm ntawv. Nws tau dhau los ua ib feem tseem ceeb rau tsev neeg txij thaum me nyuam yug los txog thaum mus kawm ntawv hauv kindergarten. Yam uas ua rau ECFE txawv thiab tshwj xeeb yog nws lub siab dawb paug. Nws yog ib qho chaw rau cov neeg tu me nyuam los kawm, loj hlob, thiab sib txuas lus ua ke. Nws yog ib txoj kev rau cov niam cov txiv muaj kev txhawb nqa thiab muaj zog los ntawm kev sib tham dawb paug los ntawm lub siab, siv tej cuab yeej, thiab muaj kev txhawb nqa los ntawm zej zog uas muaj chaw tuaj sib koom ua ke thiab kev sib raug zoo uas muaj kev pab kawm mus tag ib sim neej. Kuv tseem nco tau tias 30 xyoo dhau los, kuv tau nrog kuv thawj tug me nyuam zaum nrog lwm cov niam txiv thiab cov me nyuam mos, tsim ib qho chaw uas muaj kev nyab xeeb los nug lus thiab kawm txog txoj kev ua niam ua txiv kom zoo dua.

ECFE vam meej los ntawm kev koom tes. Cov tsev neeg thiab cov neeg ua hauv lwm sib koom tes, koom nrog cov koom haum saib xyuas kev noj qab haus huv, cov program, cov tsev teev hawm, thiab cov hu nkauj hauv zej zog tau los tsim ib qho network txhawb nqa muaj nqis. Cov kws qhia ntawv uas muaj ntawv tso cai thiab cov kws qhia me nyuam yaus koj kev paub tob los txhawb kom tsev neeg tau txais kev qhia zoo tshaj. Qhov zoo ntawm tej no yog ua rau tsev neeg muaj zog dua, zej zog sib txuas lus zoo dua, thiab cov me nyuam uas npaj txhij los vam meej.

Thaum peb saib rov qab 50 xyoo dhau los, peb paub tias ECFE tau kov yeej txoj sia ntawm ntau txhiab tsev neeg hauv Minnesota, suav nrog kuv tsev neeg thiab. Cov kev sib raug zoo uas tsim nyob rau hauv ECFE tshwm sim dhau mus hauv chaw kawm ntawv xwb. Lawv tsim tau tej kev sib raug zoo mus tag ib sim neej thiab tsim cov system los txhawb nqa.

Hnuv no, peb yuav hnov tej zaj dab neeg muaj zog los ntawm cov tsev neeg ECFE. Cov zaj dab neeg no qhia tau qhov tiag ntawm qhov kev pab cuam no. Lawv tsis yog tsuas yog kev xav rov qab xwb. Lawv yog cov lus hu kom peb sawv, qhia peb tias vim li cas ECFE thiaj tseem ceeb, thiab

vim li cas peb yuav tsum txuas ntxiv txhawb kom nws muaj kev vam meej yav tom ntej.

Thaum peb saib mus tom ntej, peb yuav tsum txuas ntxiv txhawb thiab qhia tawm cov zaj dab neeg no. Peb yuav tsum ua kom cov neeg txiav txim siab hnov lawv, vim cov suab hauv zej zog yuav tsum yog tus uas qhia txog yav tom ntej ntawm kev kawm rau me nyuam yaus hauv Minnesota.

Nyob rau hauv Department of Children, Youth, and Families, peb muaj ib lub zeem muag hais tias tsev neeg, zej zog, tsev kawm ntawv thiab cov system yuav ua hauj lwm sib koom tes kom txhua tus me nyuam muaj kev kawm sib luag. Nyob rau hauv peb pawg ua hauj lwm rau me nyuam yaus, peb coj kom muaj vaj huam sib luag. Vim kuv paub tias tsis yog txhua tus me nyuam pib ntawm tib qhov chaw. Peb cog lus tias peb yuav tshem tej kev thaiv rau kev kawm kom txhua tus me nyuam – tsis hais haiv neeg, nyiaj txiag, caj ces, los sis lub peev xwm – muaj txhua yam lawv yuav tsum tau muaj kom muaj kev vam meej.

Cov program zoo li ECFE yog ib feem tseem ceeb ntawm peb lub zeem muag ntawd. Lawv txuas tsev neeg rau cov kev pab tseem ceeb, txhawb cov neeg tu me nyuam, thiab tsim tau ib lub hauv paus ruaj khov rau kev kawm mus tag ib sim neej.

Yog li hnuv no, peb los ua kev zoo siab txog 50 xyoo ntawm ECFE txoj kev cuam tshuam. Peb hwm thiab ua tsaug rau cov xib fwb, cov neeg tu me nyuam, thiab cov koom tes hauv zej zog uas tau tsim ECFE los ua qhov uas nws yog hnuv no. Tam sim no, kuv xav hais lus ua tsaug ntau rau nej txhua tus. Thaum peb rov cog lus rau ECFE dua, peb paub tias peb tab tom tsim tau ib lub neej yav tom ntej uas muaj zog dua rau Minnesota cov me nyuam yaus thiab tsev neeg. Ua tsaug rau nej txhua tus uas tuaj nyob ntawm no. Ua tsaug rau nej txoj kev mob siab, txoj kev koom tes, thiab txoj kev ntseeg hauv kev kawm rau thaum yau. Cia peb mloog lub suab nrov nrov rau 50 xyoo tom ntej ntxiv! Ua tsaug!

>> Ua tsaug ntau rau tus assistant Commissioner rau koj qhov kev qhia thiab kev qhia txog lub zeem muag rau kev kawm thaum yau hauv Minnesota. Koj txoj kev coj thiab kev mob siab rau tsev neeg thiab me nyuam yaus yeej ua tau qhov txawv thiab pab tau tiag tiag. Ua tsaug ntau.

Tam sim no, thaum peb tseem xav txog qhov zoo rau yav tom ntej uas nyob ntawm peb hauv ntej, cia peb rov ntsia mus rau ntawm qhov pib. ECFE muaj keeb kwm ntev thiab muaj nuj nqis uas tau ua lub luag hauj lwm tseem ceeb rau txoj kev txhawb tsev neeg niaj hnuv niaj no.

Kuv zoo siab los qhia txog Mike Brown, tus Program Administration Specialist ntawm Department of Children, Youth, and Families (DCYF),

uas yuav coj peb saib txog keeb kwm ntawm ECFE, thiab qhia txog txoj kev hloov tshiab uas ECFE tau ua dhau los hauv 50 xyoo no.

Zoo siab txais tos Mike Brown.

>>MIKE BROWN: Nyob zoo sawv ntxov, thiab ua tsaug ntau rau koj, Mi Yang. ECFE muaj keeb kwm tshoov siab heev. Kuv hwm thiab zoo siab tau los qhia txog qhov keeb kwm ntawd. Kuv tseem zoo siab dua uas kuv tau los ua ib feem ntawm ECFE txoj keeb kwm, nyob rau ntau txoj hauj lwm sib txawv.

Hnub no, kuv xav nthuav qhia qee lub sij hawm tseem ceeb hauv ECFE keeb kwm uas kuv ntseeg tias yog cov ntsiab lus muaj txiaj ntsig tshaj, tshwj xeeb rau lub sij hawm no thaum peb saib rov qab mus ntau tshaj 50 xyoo, rov mus txog rau xyoo 1960s. Lub caij ntawd, kev tshawb fawb txog kev loj hlob ntawm me nyuam yaus tau nthuav dav, thiab tau tsim cov program uas tseem ceeb los txog niaj hnub no, xws li Head Start thiab Perry Preschool Project, uas cov niam txiv muaj ib feem tseem ceeb hauv ob qho. Ib qho tseem ceeb txog Head Start thiab lawv kuj tab tom ua kev zoo siab tias lawv tau tshwm sim nyob tau 60 xyoo thiab. Nyob rau lub sij hawm ntawd, Senator Jerry Hughes tau kawm txog qhov tseem ceeb ntawm kev tsim kho me nyuam yaus, uas tau tshoov nws lub siab los txhawb ib lub tswv yim tshiab ntawm ib qhov program rau tsev neeg hauv tsev kawm ntawv.

Txhawm tias nyob rau xyoo 1973 thawj daim ntawv ntawm Minnesota txoj cai li choj tsis pom zoo los, nyob rau 1974 daim tom qab twb tau txais kev pom zoo lawm. Nws muaj rau(6) qhov chaw pib. Ntawm cov chaw pib no, ECFE tau loj hlob sai heev. Muaj 12 qhov chaw nyob rau xyoo 1975, 22 qhov chaw nyob xyoo 1977 thiab 36 qhov chaw nyob rau xyoo 1979.

Thaum txog rau xyoo 1989, ECFE twb muaj nyob hauv yuav luag txhua lub tsev kawm ntawv hauv Minnesota lawm. Tiam sis kuv xav rov qab los hais txog tsab ntawv nyob hauv xyoo 1981 uas yog ib lub sij hawm tseem ceeb heev. Nws yog vim cov tsab ntawv cai no uas peb pom tau cov txiaj ntsig thiab lub hom phiaj tseem ceeb uas yog lub hauv paus ntawm ECFE.

Lawv tau hais tawm cuab txoj kev pom zoo uas niaj hnub no tseem muaj nuj nqis heev. Yog li no lawv yuav zoo nws nyuam qhuav muaj sau plaub xyoos dhau los xwb thiab tsis yog muaj sau tau plaub caug plaub xyoo dhau los. Qhov no yog ib feem tseem ceeb ntawm ECFE rau kev kawm nyob hauv Minnesota. Ib, ECFE yuav tsum muaj raug saib hais tias yog ib qho tseem ceeb hauv Minnesota txoj kev kawm ntawv uas tseem tab tom ua hauj lwm. Ntaub ntawv uas qhia txog kev rov qab tau nyiaj rov qab. Tej txiaj ntsig uas tau los, kev txo tus nqi siv, thiab kev koom tes ntawm tsev neeg. Lawv hais tias ECFE yuav tsum sib txuas nrog kev kawm ntawv

nyob hauv elementary, thiab tam sim no ECFE kuj tuaj yeem ncav mus txog theem peb (third grade). Lawv xav kom ECFE qhib rau txhua tsev neeg hauv Minnesota, thiab yuav tsum sawv cev rau txhua hom tsev neeg—ntawm kev kawm ntawv, nyiaj txiag, haiv neeg thiab kev sib txawv. ECFE yuav tsum muaj kev tawm tswv yim thiab rau siab nrhiav cov neeg ua hauj lwm los ntawm ntau haiv neeg kom sawv cev tau rau cov zej zog.

Lawv kuj hais txog kev tsim pab pawg tswv yim los ntawm cov niam txiv uas yuav tsum sawv cev rau lawv lub zej zog, pab txhim kho thiab saib xyuas ECFE program. Ib qho tseem ceeb ntxiv yog qhov hais tias kev ua tau zoo ntawm ECFE vam khom qhov zoo ntawm cov neeg ua hauj lwm. Qhov no yog vim li cas ECFE thiaj li xav kom cov neeg qhia ntawv muaj daim ntawv tso cai rau kev qhia me nyuam yaus thiab rau kev qhia cov laus.

Yog muab piv rau niaj hnub no, hauv xyoo 2028, 47 xyoo tom qab tsab ntawv ceeb toom ntawd, yuav muaj ib qho cai tshiab kom txhua tus neeg qhia ntawv hauv General Education rau cov me nyuam yaus yuav tsum muaj daim ntawv tso cai.

Tsab ntawv tseem hais txog qhov xav tau nyiaj txiag thiab chaw siv, vim ECFE yog ib qhov program tshiab. Lawv kuj qhia tias ECFE yuav tsum tsim los nrog lub hom phiaj txuas nrog zej zog thiab cov kev pab nyob hauv lub zos. Vim li ntawd, txhua qhov ECFE program txawv, raws li qhov xav tau ntawm lawv lub zej zog. Lub ntsiab lus kawg hauv tsab ntawv yog xav kom muaj ntaub ntawv ntev ntev tshwj xeeb rau Minnesota ECFE programs, kom muab siv los txhawb kev txiav txim siab tom ntej.

Tom qab tsab ntawv ntawd hauv xyoo 1981, muaj ob peb yam tshwm sim ntxiv. Xyoo 1983, txoj cai tshiab tau hloov txoj kev faib nyiaj thiab tswj hwm mus rau Community Education, uas tseem nyob ntawd txog niaj hnub no. Kev faib nyiaj los ntawm grant hloov mus rau per capita aid. Hauv xyoo 1986, peb pib siv nyiaj nyob hauv tag nrho lub xeev rau ECFE thawj zaug. Muaj 253 lub tsev kawm ntawv koom tes, thiab ib tug me nyuam yug los mus txog 4 xyoos tau txais nyiaj \$79 rau ib xyoos.

Tiam sis yam tseem ceeb tshaj plaws nyob hauv 50 xyoo no, thiab tej zaum nej yuav hnov txog txhua qhov chaw hauv qhov koob tsheej no, yog cov tib neeg hauv ECFE—cov neeg ua hauj lwm, cov neeg tawm suab, thiab cov tsev neeg uas koom tes. Peb tau kwv yees tias ECFE tau pab txog 4.5 million tus me nyuam yaus thiab 4.7 million tus laus hauv cov chav kawm thiab kev ua si sib txawv.

Txhua xyoo lawv ua ib daim ntawv ntsuam xyuas xa rau hauv zej zog. Peb yeej zoo siab heev thaum peb nyeem cov lus teb ntawd. Ib yam uas nrov

tshaj plaws hauv cov lus teb ntawd yog txog lawv txoj kev ua hauj lwm nrog tsev neeg. Cov lus lawv hais suav nrog: “Peb muaj cov niam txiv zoo tshaj,” “Cov tsev neeg zoo kawg,” “Kuv nyiam ua hauj lwm nrog lawv thiab saib lawv ua si ua ke,” “Kuv tau los ua ib niam txiv zoo dua vim kev kawm txog kev ua niam txiv,” “Kuv cov phooj ywg uas yog leej niam zoo heev,” thiab “Kuv tus ntxhais muaj siab tawv dua thaum nws ua si nrog lwm tus me nyuam vim muaj ECFE.”

Cov kev sib raug zoo no tau tsim nyob hauv ECFE, thiab peb pom lawv rov los ua keeb kwm zoo dua txhua lub sij hawm.

Kuj muaj lwm yam tseem ceeb—yog cov neeg ua hauj lwm uas tsim ECFE programs. Cov program no zoo siab kawg rau lawv cov neeg ua hauj lwm. Thaum lub sij hawm muaj kev mob sib kis (pandemic), peb pom tias ntau tus neeg ECFE tau ua siab loj mus pab kom muaj kev txhawb ntxiv rau tsev neeg thiab zej zog.

Thaum kawg, kuv xav hais txog cov thawj coj thiab cov neeg tawm suab. Qhov no yog ib txoj kev zoo kawg los xaus qhov kuv tau pib. ECFE muaj nyob niaj hnub no tsis yog vim Senator Hughes xwb, tiam sis kuj muaj ntau tus thawj coj uas peb txhua tus tau kawm los ntawm lawv, qee tus ncaj qha, qee tus tsis ncaj qha.

Peb hwm cov thawj coj uas pom tau qhov tseem ceeb ntawm kev kawm txuas mus ntxiv nyob rau hauv kev tswj hwm rau me nyuam yaus. Nyob xyoo 1986, peb muaj peb lub koob tsheej ECFE Coordinators Conference thawj zaug. Qhov kev cob qhia hauv zej zog kuj tau muaj nyob thoob plaws los mus ntau xyoo ntxiv thiab. ECFE yog kev txhawb nqa thiab kev txhawb zog.

Peb pom qhov no thoob plaws lub xeev—txij li cov thawj coj hauv lub xeev xws li Betty Cook thiab Lois, mus txog rau cov thawj coj tshiab uas raug cob qhia los ntawm Darcy thiab lwm tus. Nyob hauv kev kawm hauv tsev kawm qib siab, peb kawm los ntawm peb cov xib fwb xws li Glenn Palma ntawm St. Cloud State thiab Marty Rossman ntawm U of M. Peb muaj cov thawj coj hauv pab pawg uas ua hauj lwm hauv cheeb tsam thiab hauv txhua lub tsev kawm ntawv thiab qhov program.

Peb txhua tus muaj ib tug uas tau tshoov siab los ua hauj lwm kom zoo dua rau cov me nyuam yaus, tsev neeg, thiab peb lub zej zog. Senator Hughes yog tus cog cov noob, thiab tam sim no peb yog cov saib xyuas kom nws txi txiv.

Ua tsaug ntau.

>>MI YANG: Ua tsaug rau koj Mike rau koj txoj kev qhia tob txog ECFE keeb kwm thiab qhov mus tau deb uas peb twb mus txog. Nws yeej tshoov siab heev uas pom tias qhov program no tau loj hlob thiab tsim tau qhov cuam tshuam tob hauv Minnesota cov tsev neeg. Tam sim no, cia peb hloov mus rau cov suab uas muaj qhov tseem ceeb tshaj—cov tsev neeg ECFE. Peb yuav hnov txog Romans uas tseem nyob hauv White Bear, thiab Melissa ntawm St. Cloud. Lawv tej kev paub yuav qhia rau peb txog qhov kev cuam tshuam hloov siab hloov ntsws uas ECFE tseem niaj hnuv ua—nws yog qhov tseeb ntawm yam uas peb sawv los. Qhov kev pab, kev txuas lus, thiab kev txhawb siab rau tsev neeg thoob plaws Minnesota. Cia peb mloog lawv zaj dab neeg.

Nyob hauv chav kawm no, peb yeej zoo li nyob hauv tsev. Thaum koj nkag los rau hauv chav kawm, koj yeej hnov zoo li yog tsev neeg, vim koj paub tias koj tuaj yeem qhia txhua yam uas tshwm sim hauv koj tsev neeg rau lwm tus niam txiv mloog. Thiab koj paub tias tus xib fwb yeej nyob ntawd los pab koj. Nws yeej nrhiav kev pab rau txhua yam uas peb txhawj txog. Qhov no pab tau peb heev. Koj hnov zoo li koj tsis nyob ib leeg. Koj muaj peev xwm qhia txhua yam hauv chav kawm no. Koj hnov tias muaj kev nyab xeeb. Zoo li kuv hais lawm, nws zoo li koj nyob hauv tsev. Qhov no yog yam uas kuv yeej ris txiaj ntsig loj heev, vim nws yog txoj kev uas koj hnov txog qhov ntawd. Qhov no tau pab kuv, nws tau pab kom kuv muaj kev sib txuas zoo dua nrog kuv cov me nyuam thiab kuv tsev neeg. Ua ntej kuv tuaj rau chav kawm no, kuv yeej tsis paub tias yuav coj kuv cov me nyuam mus qhov twg. Kuv tau kawm ntau yam hauv qhov program no txog kev loj hlob ntawm cov me nyuam thiab txhua yam ntawm kev loj hlob. Kuv tsis muaj cov lus los piav qhia tias kuv zoo siab thiab ris txiaj ntsig npaum li cas uas kuv tau tuaj koom nrog qhov program no. Qhov no yog peb lub tsev. Kuv tus me nyuam yeej zoo siab txhua zaub uas nws tau tuaj kawm. Txawm yog hnuv Friday xwb los, nws tseem xav tuaj. Nws hais tias cov xib fwb tos nws. Qhov no ua rau kuv zoo siab heev. Kuv paub tias cov xib fwb hlob cov me nyuam tiag. Lawv yeej xav kom peb cov me nyuam tau qhov zoo tshaj plaws. Koj pom tias cov xib fwb hlob cov me nyuam. Koj pom tias lawv ua txhua yam rau peb cov me nyuam. Ua tsaug rau cov xib fwb, thiab Michelle, ua tsaug rau txhua tus uas koom tes. Ua tsaug rau qhov txiaj ntsig uas tau txais sij hawm los nyob ntawm no. Tsis muaj ib lo lus twg qhia tau kuv txoj kev ris txiaj ntsig rau qhov program no.

Rau kuv, qhov uas kuv nyiam ECFE ntawm Tamarack yog vim kuv yug kuv tus me nyuam hlob thaum lub sij hawm COVID-19. Nws nyuaj heev rau kev sib txuas lus nrog lwm cov niam txiv. Koj yuav tsis pom lwm tus, thiab tej zaum koj tseem hnov kho siab. Tab sis thaum kuv tuaj rau ECFE, kuv thiaj li tsim tau kev sib txuas nrog pab pawg niam zoo heev. Kuv tsis tau

xav tias kuv yuav ntsib cov neeg zoo npaum li ntawd los kawm txog tej yam uas kuv tab tom ua, thiab muaj kev sib raug zoo nrog lawv. Qhov ntawd muaj nuj nqis heev rau kuv. Qhov ntawd yog vim kuv thiaj li nyiam nws heev. Qhov no yog tom qab ob xyoos uas kuv hnov zoo li kuv nyob ib leeg. Nws yog ib yam uas tshwj xeeb heev. Peb tseem sib cuag nrog ntau tus niam uas peb pib nrog hauv ECFE. Peb los ua phooj ywg zoo kawg. Peb cov me nyuam kuj sib hlob thiab loj hlob ua ke. Qhov kev sib raug zoo ntawm cov niam txiv no ua rau kuv hnov zoo, vim qhov no tsis yog ib qho chaw kawm xwb, tab sis yog ib lub zej zog. Qhov kev koom tes nrog Tamarack yeej muaj txiaj ntsig loj. Vim tias, ua niam txiv mas tej zaum koj yuav xav tias nyuaj heev, los koj koj tus me nyuam mus qhov no thiab qhov ntawd txhua hnuv. Tab sis tawm mus sab nraum zoov mus taug kev xwb twb pab tau lawv lawm. Peb tsis tas yuav npaj kev ua si ntau los sis tej yam loj heev. Tsuas yog taug kev sab nraum zoov xwb yeej pab tau lawv loj hlob. Hnuv no kuv xav ua tsaug rau ib tug xib fwb uas zoo kawg nkaus. Kuv xav tias yog tsis muaj nws, kuv yuav tsis yog ib leej niam zoo li kuv niaj hnuv no. Nws lub suab yeej nyob hauv kuv lub siab txhua hnuv. Nws muab tswv yim, thiab kuv mloog lwm tus niam txoj kev paub los kawm thiab pab lwm tus thiab. Nws yeej xav tau ib lub zej zog los txhawb. Qhov no yog kuv lub zej zog. Kuv qhov kev cia siab yog pom muaj tej kev koom tes zoo li ntawd ntxiv. Lawv muab tej txoj kev xaiv tshwj xeeb uas tsis yog tsuas yog ib chav kawm xwb. Kuv xav tias muaj coob tus yuav tsis muaj cov kev xaiv ntawd yog tsis muaj qhov kev koom tes ntawd. Peb tseem sib cuag nrog cov niam txiv uas peb nrog lawv pib ECFE. Peb tseem yog phooj ywg zoo heev, thiab zoo siab uas tau saib lawv cov me nyuam loj hlob ua ke. Peb tseem saib daim duab qub ntawm peb cov me nyuam thaum yau. Peb thiaj li hais tias, “Koj puas ntseeg tau tias peb thawj zaug ntsib nyob qhov no?” Qhov program no yeej tshwj xeeb heev tiag.

>> Kev kawm rau tsev neeg tau cuam tshuam zoo rau peb tsev neeg. Kev kawm nrog tsev neeg thiab cov chav kawm uas peb tuaj koom ua ke nrog peb cov me nyuam tau pab tsim ib lub hauv paus ruaj khov rau lawv txoj kev loj hlob. Kuv zoo siab heev thiab ris txiaj ntsig ntau rau qhov no. Kuv ntseeg hais tias ECFE tau pab cuam thiab hloov tau peb cov me nyuam txoj kev loj hlob tiag tiag. Kuv vam tias 50 xyoo tom ntej, kev kawm rau tsev neeg yuav txuas ntxiv kom loj hlob, thiab tseem yuav qhia txog cov hluas kom lawv los ua tej yam zoo ntxiv hauv txhua qhov chaw hauv Minnesota. Kuv tseem vam tias lawv yuav ntxiv cov ntsiab lus hais txog kab lis kev cai thiab kev pab tshwj xeeb rau peb cov zej zog uas muaj haiv neeg sib txawv thoob plaws lub xeev.

Kuv txoj kev cia siab loj tshaj plaws yog kom ECFE mus txog txhua tus me nyuam hauv Minnesota, kom txhua tus tau txais kev pab los ntawm cov

kev pab cuam no. Vim qhov tseeb tiag, peb xav tau ib lub zej zog los pab tsa thiab cob qhia peb cov me nyuam. Kev kawm rau tsev neeg tau ua ib feem tseem ceeb hauv peb lub zej zog. Nws tau pab heev rau kev kawm thaum yau rau kuv cov me nyuam. Kuv tus ntxhais yeej tsim nyog mus kawm preschool. Hnub no kuv tus me nyuam tsib xyoo twb npaj txhij rau kindergarten lawm, thiab kuv tus me nyuam ob xyoo tab tom txais kev tuaj xyuas hauv tsev, thiab peb tseem mus koom chav kawm tsev neeg kom kawm thiab tau loj hlob ua ke. Yog tsis muaj cov kev xaiv thiab kev pab cuam no, kuv yeej tsis paub kuv yuav ua li cas raws li ib leej niam.

Kuv xav kom muaj ntau tsev neeg ntxiv, tshwj xeeb tshaj yog cov tsev neeg los ntawm cov zej zog uas muaj haiv neeg sib txawv, tau txais cov kev pab cuam no. Nws tseem ceeb heev los tsim ib lub zej zog muaj zog rau peb cov me nyuam kom lawv muaj ib lub neej zoo rau yav tom ntej. Kuv zoo siab kawg rau txhua yam uas peb tsev neeg tau txais los ntawm ECFE. Kuv yuav txuas ntxiv tawm suab, qhia txog cov kev pab cuam, thiab muab txhua yam kuv paub qhia rau lwm tus—raws li ib leej niam thiab ib tug thawj coj hauv zej zog. Kuv xav kom muaj ntau tsev neeg koom ntxiv thiab peb cov zej zog muaj txoj hauv kev mus koom nrog kev kawm rau tsev neeg.

>>MI YANG: Ua tsaug rau nej txhua tus uas siv sij hawm los mloog cov zaj dab neeg muaj zog ntawm plaub tsev neeg uas tau txais kev cuam tshuam los ntawm ECFE. Cov zaj dab neeg no yog kev nco qhia peb txog qhov cuam tshuam tob uas peb muaj peev xwm ua tau thaum peb koom tes los txhawb nqa tsev neeg thiab txhua tus.

Tam sim no, peb caw nej los qhia nej zaj dab neeg nrog Minnesota Story Collective. Txhua zaj dab neeg muaj nuj nqis. Cov thawj coj hauv Minnesota – los ntawm xeev thiab cheeb tsam – tab tom ua hauj lwm los txhim kho cov kev pab cuam rau tsev neeg thiab cov me nyuam. Ib qho zoo tshaj plaws uas lawv kawm tau yog los ntawm cov kev paub tiag tiag ntawm co neeg nyob hauv zej zog. Thaum koj qhia koj zaj dab neeg, nws txhais tau tias koj lub tswv yim thiab koj qhov kev paub yuav ua ib feem los pab txhim kho cov kev pab cuam rau cov neeg hauv Minnesota.

Koj tsuas thaj qhov QR code los qhia koj zaj dab neeg. Cov dab neeg yuav muaj ceev tsis qhia npe. Peb yuav tso qhov QR code nyob rau thaum kawg ntawm peb lub koob tsheej no, yog tias koj tseem tsis tau muaj sij hawm nkag mus rau tam sim no.

Raws li peb txuas ntxiv ua hauj lwm nrog tsev neeg thiab tsim kom muaj cov program ruaj khov dua, nws tseem ceeb heev uas peb yuav tsum paub txog cov koom tes muaj zog uas tau tsim los txhawb ECFE cov xib fwb thiab program. Koj yuav hnub lus los ntawm Chan thiab Minnesota

Association for Early Education. Cov koom haum no koom tes ua ke los xyuas kom peb cov xib fwb thiab program muaj cov cuab yeej siv thiab cov peev txheej tsim nyog los muab kev pab zoo tshaj rau tsev neeg.

Thov txais tos Darcie, Shannon, thiab Betty.

>>DARCY RODRIGUEZ: Kuv yog Darcie Rodriguez, kuv ua hauj lwm nrog ECFE thiab Mike Brown raws li tus kws tshaj lij kev kawm ntawv hauv Department of Children, Youth, and Families. Peb txoj hauj lwm hauv lub chaw hauj lwm no yog saib xyuas thiab txhawb nqa cov program ECFE thoob xeev Minnesota. Peb ua qhov no los ntawm ntau yam kev pab xws li kev pab tswv yim, kev qhia, cov tswv yim los txhim kho, kev txhawb nqa thawj coj, thiab kev npaj kev sib txuas rau hauv lub xeev. Peb tseem ua hauj lwm los tsim kev sib txuas rau ECFE nrog lwm cov program uas pab cuam rau kev kawm thaum yau.

Thaum peb pib npaj rau qhov kev ua koob tsheej no, peb kuj pom qhov tseem ceeb ntawm kev nthuav tawm txog lwm cov koom haum uas kuj txhawb nqa ECFE hauv Minnesota, tsis yog tsuas yog DCYF xwb. Ob lub koom haum ntawd yog MNAFEE thiab University of Minnesota. Kuv xav pib los qhia txog Shannon Radar thiab thov kom lawv qhia txog qhov tseem ceeb uas lawv lub koom haum ua los txhawb kev kawm. Betty, koj puas kam qhia koj tus kheej thiab piav me ntsis txog koj txoj hauj lwm uas pab txhawb ECFE?

>>BETTY COOKE: Ua tsaug Darcie, kuv zoo siab heev los hais lus foom koob hmoov rau nej cov niam txiv thiab cov neeg ua hauj lwm thoob plaws lub xeev. Nws yog ib qho kev zoo siab uas kuv tau tuaj nrog nej ua kev zoo siab txog 50 xyoo ntawm ECFE. Kuv tus kheej tau koom nrog ECFE tau 47 ntawm 50 xyoo, txij thaum kuv tuaj rau Minnesota xyoo 1977. Kuv pib ua hauj lwm ua ib tug Parent Educator hauv ib qhov chaw pib sim ntawm Valley View, uas Mike tau hais txog. Kuv tau ua thawj coj rau ECFE hauv Minnesota Department of Education tau 15 xyoo. Tom qab ntawd kuv tau mus qhia ntawv rau University of Minnesota hauv cov chav kawm Parent Education, kev npaj ntawv tso cai qhia ntawv, thiab pab cov tub ntxhais kawm npaj los ua cov parent educators.

Tam sim no kuv yog ib tug tswv cuab hauv pawg thawj coj thiab pab pawg txhawb tswv yim ntawm Minnesota Association for Family and Early Education (MNAFEE). Kuv tseem yog ib tug neeg tawm suab loj rau peb cov zej zog thiab tsev neeg uas peb pab. Peb lub koom haum yog ib lub koom haum tsis nrhiav txiaj ntsig, uas nthuav kev kawm rau niam txiv, kev kawm thaum yau, thiab kev kawm rau cov me nyuam yau.

Peb pab txhawb ECFE ntau txoj kev, xws li muab kev cob qhia rau cov xib fwb, kev kawm txuas ntxiv, thiab pab npaj lub koob tsheej muaj nyob txhua xyoo nrog rau lwm yam cob qhia thoob xyoo. Peb kuj muab khoom plig txhua xyoo los qhuas kev ua tau zoo. Peb tawm suab thiab txhawb rau cov kev cai lij choj uas pab tau ECFE programs thiab cov xib fwb qhia niam txiv thiab me nyuam yaus. Peb tseem txhawb kev koom tes thiab kev sib txuas los pab cov me nyuam yaus thiab lawv tsev neeg, zoo li Diane Halsey tau hais hauv nws cov lus qhib. Shannon, kuv muab rau koj qhia koj tus kheej thiab piav txog koj txoj hauj lwm hauv kev qhia ntawv.

>>SHANNON RADAR: Kuv zoo siab heev uas tau nyob ntawm no. Ua tsaug ntau rau qhov uas nej caw kuv. Kuv yog Dr. Shannon Radar, xib fwb hauv Family Education Program ntawm University of Minnesota. Kuv tau ua hauj lwm nrog ECFE tau ntau tshaj 25 xyoo, txawm tias tsis ntev npaum li Betty. Kuv twb tau ua txhua yam hauj lwm txog ECFE – kuv tseem yog tus ntxhais ntawm ib tug parent educator thiab.

Kuv tau ua xib fwb qhia me nyuam mos thiab me nyuam yaus– thiab qhov ntawd tseem yog qhov uas kuv hlub tshaj. Kuv kuj tau ua ib tug parent educator, thawj coj, tus tshuaj xyuas, thiab tam sim no kuv ua tus npaj rau cov tub ntxhais kawm los ua cov parent educators. Peb qhov program ntawm University of Minnesota yog ib qho ntawm cov program tsawg heev hauv lub xeev thiab hauv lub teb chaws uas npaj cov tub ntxhais kawm los ua cov parent educators. Nws yog ib qhov program nyob hauv online, thiab peb muaj cov tub ntxhais kawm los ntawm Warroad mus txog Winona.

Peb npaj lawv los mus ua hauj lwm hauv lawv lub zej zog, ua cov parent educators. Peb muab kev sib raug zoo thiab kev sib txuas rau nruab nrab ntawm peb txoj kev qhia. Peb qhia kom lawv txhawb cov niam txiv kom los ua niam txiv raws li lawv txoj kev xav tau. Peb qhia lawv txog kev tshawb fawb hais txog kev coj me nyuam, kev sib raug zoo, thiab kev loj hlob ntawm me nyuam – uas yeej muaj nuj nqis heev. Peb kuj paub tias txhua tsev neeg nyias txawv nyias. Lawv muaj lawv kev peev xwm thiab zog tshwj xeeb. Peb qhia cov tub ntxhais kawm kom lawv kawm los txhim kho ntawm tej zog ntawd.

Ntau tus tub ntxhais kawm hauv peb qhov program twb ua hauj lwm nrog ECFE lawm. Lawv coj kev paub tob txog lawv lub zej zog los rau hauv chaw kawm. Qhov no pab peb pom tau qhov dav thiab qhov tshiab uas ECFE tab tom hloov pauv thiab tsim kho hauv txhua qhov chaw hauv Minnesota. Peb hnov qhov ntawd los ntawm ntau tus neeg hais lus hnuv no. Ua tsaug ntau Darcie.

>>DARCY RODRIGUEZ: Ua tsaug rau nej. Pab pawg DCYF zoo siab heev uas tau ua hauj lwm ib sab nrog lwm tus uas mob siab pab txhawb cov me nyuam yaus tshaj plaws hauv Minnesota thiab lawv tsev neeg. Ib qho ntawm cov ntsiab lus tseem ceeb ntawm qhov kev sib sau no yog kev qhia txog tej zaj dab neeg uas cuam tshuam rau ECFE (Early Childhood Family Education). Cov tsev neeg muaj dab neeg. Cov xib fwb thiab cov thawj coj muaj dab neeg. Thiab peb cov uas pab txhawb ECFE thoob plaws lub xeev kuj muaj dab neeg thiab. Kuv tau thov kom Betty thiab Shannon qhia ib ob zaj dab neeg txog lawv qhov kev paub nrog ECFE — seb yog mus koom rooj sib tham thoob lub xeev, pab txhawb cov xib fwb, los sis koom tes nrog lwm cov koom haum — txhua tus ntawm peb muaj zaj dab neeg txog qhov kev cuam tshuam thiab qhov tseem ceeb ntawm ECFE thoob plaws lub xeev. Shannon, koj puas kam qhia ib zaj dab neeg los sis ib nqe lus nco txog ECFE?

>>SHANNON RADAR: Oh Darcie, kuv muaj ntau zaj dab neeg heev. Kuv xaiv nyuaj kawg, tab sis thaum kuv xav txog, muaj ib zaj lus tseem ceeb kuv nco tau: kev kawm kom muaj kev ntseeg siab thiab tsim kev coj los ua thawj coj. Kuv ntseeg tias ib qho muaj zog tshwj xeeb ntawm ECFE yog nws pab tsim kom muaj thawj coj tshiab. Cov niam txiv uas tuaj koom ECFE tsis yog tsuas kawm los txhawb lawv tus kheej thiab me nyuam xwb, tiam sis lawv kuj kawm los sawv cev rau lwm cov me nyuam thiab. Raws li peb hnov [Tus npe] tau hais lawm. Coob leej niam txiv dhau los ua tswv cuab ntawm pawg tswj hwm me nyuam yaus, PTA, los sis vaj huam sib luag ntawm tsev kawm ntawv. Lawv ua tau kev txawv txav rau zej zog. Kuv yees li 20 xyoo dhau los, thaum ECFE ntsib teeb meem txog nyiaj txiag, cov niam txiv thiaj yog cov coj kev tawm suab tau los pab. Lawv mus hais lus rau tsoom fwm hauv Capitol kom hnov. Vim li ntawd, peb thiaj cawm tau ECFE kom tsis raug txiav nyiaj. Cov thawj coj uas cov niam txiv tau los ua txij thaum pib ECFE mus txog nyiaj hnuv no tiag tiag yog yam loj heev. Kuv paub coob leej niam txiv uas los ua thawj coj hauv zej zog, ua sawv cev hauv lub xeev, los sis thawj coj ntawm tsev kawm ntawv. Coob tus tseem rov los kawm los ua neeg qhia niam txiv hauv peb cov kev pab cuam. Lawv paub ECFE tau hloov lawv lub neej, ces lawv xav hloov lwm tus thiab. Lawv rov los ua tus qhia, los ua thawj coj, los ua thawj coj hauv zej zog. Qhov no yog lub zog loj ntawm ECFE — pab cov niam txiv nrhiav tau lawv lub suab thiab muaj kev ntseeg siab rau lawv tus kheej.

>>DARCY RODRIGUEZ: Ua tsaug Shannon. Qhov ntawd yeej yog li koj hais. Betty, kuv xav mloog koj ib ob zaj dab neeg thiab.

>>BETTY COOKE: Ua tsaug Darcie. Kuv muaj ntau zaj dab neeg tshaj plaws kuv muaj nyob hauv Department of Education thiab University, tab sis kuv xav rov mus hais txog kuv lub sijhawm thaum xub thawj nrog ECFE

thaum kuv ua tus qhia niam txiv hauv Bloomington. Lub sij hawm ntawd ECFE yog ib lub tswv yim tshiab rau feem coob tsev neeg hauv Minnesota. Peb tau siv ntau lub zog los qhia txog qhov program no rau cov tsev neeg. Kuv tau raug faib mus pab nrhiav cov tsev neeg hauv cheeb tsam kawm ntawv ntawd. Peb tau siv ib daim ntawv teev npe los ntawm ib lub tuam txhab hluav taws xob, uas qhia cov me nyuam nyob hauv txhua lub tsev. Kuv nco zoo kawg thaum kuv thiab lwm tus neeg tau mus ntsib cov tsev neeg thiab me nyuam, ib lub tsev zuj zus. Peb nqa duab qhia txog cov kev ua ub no hauv ECFE mus qhia rau lawv. Tus niam tsev ntawd tseem qhia lawv zaj dab neeg thiab. Qhov kev tshawb nrhiav no pab ntau tsev neeg los koom nrog ECFE. Txog niaj hnuv no, qhov kev tawm mus tshawb nrhiav zoo li no tseem muaj nyob rau ntau lub zej zog. Coob leej niam txiv uas tuaj sib sau hnuv no tseem ua tus thawj coj qhia txog ECFE rau lwm tus hauv lawv zej zog. Kuv kuj xav qhia me ntsis ntxiv txog ECFE thiab ib zaj dab neeg. Thaum kuv ua hauj lwm rau Department of Education hauv Minnesota, kuv yeej tau mus xyuas thiab ua hauj lwm nrog ECFE thoob plaws lub xeev — loj thiab me, nroog thiab tej zos. Qhov kuv nyiam tshaj plaws, raws li cov neeg hais los lawm, ECFE yog rau txhua tsev neeg. Txhua tus raug txais tos. Qhov kev tsim kev sib raug zoo zoo li no kuv pom dua ib zaug thiab ib zaug ntxiv. Cov tsev neeg muaj kev sib raug zoo mus ntev thiab qee zaum rau txoj kev loj hlob ntawm cov me nyuam nyob txhua xyoo. Nyob rau 50 xyoo ntawm ECFE, peb pom ntau tiam neeg tuaj koom. Ib zaj dab neeg kuv nyiam tshaj plaws yog thaum kuv tab tom qhia keeb kwm ECFE rau Minnesota Academy of Pediatrics thaum Lub Ib Hlis. Ib tug kws tshuaj uas muaj nws tus me nyuam tuaj koom ECFE hais rau kuv tias nws niam hais kom nws nco qab qhia kuv tias nws yeej yog ib tug “me nyuam ECFE” thiab. Nws nrog nws niam tuaj thaum me nyuam, tam sim no nws coj nws tus me nyuam tuaj thiab. Ib tug me nyuam uas koom nrog ECFE thaum xyoo 70s uas kuv qhia ntawv tam sim no yog tus saib xyuas tag nrho ECFE program ntawm Bloomington tsev kawm. Lwm tus me nyuam ECFE uas rov los pab Minnesota tsev neeg. Kuv tsuas xav rov hais dua li Shannon tau hais txog — qhov kev coj kom muaj thawj coj zoo los ntawm ECFE yeej yog tiag thiab muaj nqis heev.

>>DARCY RODRIGUEZ: Ua tsaug. Kuv nyiam heev mloog nej tej zaj dab neeg txog ECFE. Ib zaj uas kuv nyiam tshaj plaws yog thaum kuv ua tus qhia niam txiv rau Stillwater cov tsev kawm ntawv. Lub sij hawm ntawd, peb cheeb tsam kawm ntawv tab tom sim kom muaj kev xaiv tsa los pom zoo ib qho kev pov npav los tswj ib qho teeb meem. Kuv caw tus thawj coj uas yog tus acting superintendent tuaj koom ib chav kawm los sib tham nrog cov tsev neeg txog qhov kev xaiv tsa ntawd. Chav ntawd yog rau cov me nyuam mos thiab cov me nyuam yaus, thiab peb sawv daws zaum

hauv pem teb thaum cov me nyuam tab tom ua si hauv nruab nrab. Tus superintendent los zaum nrog peb hauv peb lub voj voog thiab pib hais lus. Thaum nws tab tom hais lus, ib tug me nyuam yaus tau cev ib qhov ncuav qab zib rau nws — ib daim uas twb tau zom lawm thiab ntsw ntxhov. Nws txais qhov ncuav ntawd yam tsis muaj teeb meem dab tsi thiab tseem txuas ntxiv nws cov lus hais txog qhov pov npav los tswj ib qho teeb meem. Kuv xav tej zaum zaj no thiaj ua rau nws yeej tau ntau lub suab xaiv tsa dua li yog nws mus hais lus hauv rooj sib tham ntawm pawg tswj hwm tsev kawm ntawv.

Tom qab ntawv, kuv nrog nws luag thiab thov txim rau qhov ntawd. Nws teb kuv ib yam uas kuv nco mus txog niaj hnuv no — nws hais tias qhov ntawd yog ib qho nco txog uas zoo heev, tias cov tsev neeg thiab cov me nyuam yaus yog hauv paus ntawm peb lub tsev kawm ntawv. Tam sim no hauv kuv txoj hauj lwm nrog DCYF, ib feem ntawm peb txoj hauj lwm yog txuas kev sib raug zoo. Peb ua qhov ntawd los ntawm kev txuas zej zog thiab kev sib koom tes nrog cov tsev kawm K-12. Peb ua hauj lwm sib xws thiab txhawb kev koom tes thiab kev nthuav tawm cov suab ntawm cov me nyuam yaus thiab lawv tsev neeg. Qhov no yog ib txoj hauj lwm tseem ceeb. Kuv nco ntsoov txog tus superintendent zaum hauv pem teb hnuv ntawd nyob rau lub Kaum Hlis, thiab pom tias peb tsis yog pab cov tub ntxhais kawm hauv K-12 xwb — tiam sis kuj yog pab tag nrho tsev neeg. Kuv ntseeg tiag tiag tias peb zoo dua thaum peb saib txhua tsev neeg tag nrho. Ua tsaug rau nej txhua tus rau nej tej zaj dab neeg uas tshoov siab heev. Tam sim no kuv xav kom peb hloov los saib yav tom ntej. Betty, ECFE tab tom yuav muaj 50 xyoo — koj xav li cas txog yav tom ntej uas ua rau koj zoo siab?

>>BETTY COOKE: Ua tsaug Darcie. Kuv tau tham txog qhov no nrog kuv cov phooj ywg ntawm MNAFEE. Qhov video ntawm txoj kev kawm nyeem ntawv hauv Robbinsdale ntawd — tus niam hauv video ntawd yog ib tus uas koom nrog peb qhov program. Qhov ntawd yog ib qhov program zoo heev. Nancy tau hais ib lub tswv yim uas kuv xav qhia — tej zaum 50 xyoo tom ntej no, tus qauv los pab cov niam txiv thiab cov me nyuam yuav siv thoob plaws lub teb chaws. Puas yog qhov ntawd yuav zoo heev? Qhov ntawd yuav pab tau txhua tsev neeg, tsis yog tsuas yog hauv Minnesota xwb. Thiab ib yam uas peb txhua tus tswv cuab ntawm MNAFEE zoo siab heev yog tias tam sim no muaj ob tug tshiab los ua tus early education specialists rau DCYF — kuv thiab Darcie — ua ke nrog Mike Brown thiab Shannon. Nej peb leeg pab txhawb peb cov program zoo heev hauv lub xeev. Ua tsaug rau nej txhua yam uas nej tau ua.

>>DARCY RODRIGUEZ: Ua tsaug Betty. Kuv hwm txoj hauj lwm no heev thiab zoo siab txhua hnuv uas kuv tau ua hauj lwm rau qhov program zoo no. Shannon, koj xav li cas txog ECFE rau yav tom ntej?

>>SHANNON RADAR: Kuv pom zoo nrog Betty. Nws zoo siab heev uas xav txog tias ECFE yuav nthuav mus thoob teb chaws, tej zaum mus thoob ntiaj teb. Thaum kuv xav txog yav tom ntej, kuv cia siab tias ECFE yuav pab tsev neeg txuas lus thiab tsim kev sib raug zoo ntxiv ntau dua. Xyoo 2024, Surgeon General tau ceeb toom txog qhov kev nyuaj siab uas cov niam txiv thiab cov neeg saib xyuas me nyuam tab tom ntsib — kev nyuaj siab, kev puas hlwb, teeb meem nyiaj txiag, thiab kev nyob ib leeg. Peb hnov tej no los ntawm cov niam txiv ib txhia hnuv no lawm. Peb paub tias kev yug me nyuam yog ib yam uas nyuaj thiab muaj kev zoo siab. ECFE pab lawv nrhiav tau lawv lub zej zog, lawv lub koom haum uas yuav los pab txhawb.

Kuv xav pom ECFE siv mus ntxiv los pab sib txuas cov neeg saib xyuas. Vim txhua tus neeg saib xyuas paub tias nws yog li cas thaum tsis tau pw ntev li cov avthiv. Lawv paub qhov zoo siab, qhov txhawj xeeb, thiab kev hlub thaum lawv tus me nyuam mus kawm thawj hnuv. Lawv paub qhov txaj muag thaum tus me nyuam quaj hauv khw muag khoom. Lawv paub qhov zoo li thaum lawv lub siab taug tus me nyuam mus rau txhua qhov. Qhov no yog lub zog ntawm ECFE. Nws coj cov niam txiv thiab cov neeg saib xyuas los ua ke, tsis hais tias peb yuav sib txawv li cas, peb tseem muaj qhov sib xws. Peb sib faib cov khoom ua si, peb sib qhia cov kev nyuaj siab. Peb txais kev txhawb. Kuv xav pom ECFE txuas peb cov zej zog kom pab tau peb txhua tsev neeg. Peb yuav tsim kom tau tus choj los sib txuas lus. Qhov no yog yam peb txhua tus yuav tsum tau muaj — tam sim no thiab yav tom ntej.

>>DARCY RODRIGUEZ: Kuv xav ua tsaug rau Betty Cook los ntawm MNAFEE. Nws txoj hauj lwm thiab nws lub koom haum yog ib feem tseem ceeb uas txhawb nqa thiab tsim kom ECFE loj hlob thoob plaws Minnesota. Kuv zoo siab thiab hwm heev uas tau ua hauj lwm ua ke nrog nws. Ua tsaug rau koj lub suab thiab koj txoj kev mob siab ua hauj lwm. Tam sim no, kuv yuav muab rov rau koj, Mi Yang.

>>MI YANG: Ua tsaug rau Betty, Darcy, thiab Shannon. Thiab ua tsaug rau peb cov koom tes — nej qhia tau tias kev koom tes thiab muaj zog yuav pab tau ECFE loj hlob thiab muaj zog dua. Thaum peb txhawb cov xib fwb, peb txhawb tsev neeg thiab ua kom lub zej zog muaj zog. Peb cia li txuas ntxiv mus. Tam sim no, peb yuav los saib txog tej kev pab uas ua rau peb ua tau txoj hauj lwm no. Cov neeg uas tuaj ua hauj lwm rau ECFE tuaj

ntawm ntau yam keeb kwm. Kelly yuav piav qhia txog txoj kev txhawb rau cov neeg ua hauj lwm hauv kev kawm thaum yau. Zoo siab txais tos, Kelly.

>>KELLY KAZECK: Nyob zoo, kuv yog Kelly, tus early childhood workforce specialist hauv Early Learning Services ntawm Department of Youth and Families. Kuv ua hauj lwm nrog pab pawg thoob plaws lub xeev rau tej phiaj xwm, nyiaj pab, thiab kev txhawb rau cov neeg ua hauj lwm hauv kev kawm thaum yau. Peb ntseeg tias txhua tus me nyuam thiab lawv tsev neeg yuav tau txais txiaj ntsig los ntawm ib pab neeg qhia ntawv uas muaj peev xwm thiab sib txawv. Kuv xav qhia kuv zaj dab neeg ECFE. Thaum kuv tseem yog ib leej niam uas tseem hluas, kuv muaj peb tug me nyuam uas yau dua 5 xyoos. Kuv nyob rau St. Cloud thiab kawm ntawv hauv CSU. Kuv tso kuv tus ntxhais mus kawm preschool. Vim tias ECFE yuav tsum muaj niam txiv koom, kuv mam li mus kawm ib chav ECFE — txawm kuv tsis tau hnov txog ECFE dua li. Kuv nyiam heev lawm.

Thaum peb tsiv mus rau lwm lub zos, kuv mam li rov koom nrog ECFE nyob rau ntawd thiab. Kuv qhib ib qho tsev tu me nyuam. Ib hlis ib zaug, ib tug parent educator hu ua Linda tuaj xyuas peb. Muaj ib hnub kuv qhia nws tias kuv ntxhov siab rau ib tug me nyuam yaus uas pheej muab cov khoom ua si zais rau hauv qab lub txee ua si. Ms. Linda teb tias, “Nws tab tom sim kawm txog qhov ntim (volume).” Qhov ntawd hloov kuv lub tswv yim tag nrho txog cov cwj pwm ntawm cov me nyuam — nws hloov kuv txoj kev ua niam thiab ua tus neeg qhia. Qhov ntawd ua rau kuv paub tias kuv xav ua hauj lwm hauv txoj kev kawm txog me nyuam. Thaum kuv cov me nyuam mus kawm ntawv lawm, kuv mus ua hauj lwm hauv preschool, tau txais daim ntawv tso cai los qhia ntawv txij yug los txog qib 3. Kuv tau qhia ECFE thiab school readiness hauv Big Lake cov tsev kawm ntawv tau ntau lub xyoo. Tom qab ntawd kuv mam li los ua tus early childhood coordinator, ua ntej kuv los ua hauj lwm rau lub xeev. Ntau leej ntawm peb tau tshoov siab los ntawm ECFE thiab cov xib fwb. Yog tias koj yog niam txiv los sis tus saib xyuas me nyuam thiab xav txog kev ua hauj lwm hauv kev kawm me nyuam yaus, thov tham nrog koj tus parent educator los sis tsev kawm ntawv hauv koj zej zog. Muaj ntau txoj kev pab los txhawb koj. Muaj nyiaj kawm ntawv thiab nyiaj pab xws li Grow Your Own educator program. Muaj ntau txoj hauv kev rau koj los nkag mus rau hauv txoj hauj lwm no. Yog koj xav paub ntxiv, saib online qhov uas hu ua “Making a Difference in the Early Years” — muaj kev qhia txog kev kawm, nyiaj pab, thiab cov zaj dab neeg los ntawm cov neeg ua hauj lwm tiag tiag. Koj kuj hu tau rau peb yog xav tau kev pab. Peb nyob ntawm no los txhawb koj. Ua ke, peb tab tom hloov tau lub neej thaum ntxov. Ua tsaug. Kuv mam li muab rov rau koj, Mi Yang.

>>MI YANG: Ua tsaug ntau Kelly. Ua tsaug rau koj zaj dab neeg. Koj nco peb tias cov neeg qhia kev kawm thaum yau yog ib feem tseem ceeb heev. Peb yuav tsum txuas ntxiv los txhawb thiab nce qib rau cov neeg ua hauj lwm hauv ECFE. Tam sim no, kuv xav qhia txog ib qho peev txheej hu ua “Help Me Connect” uas pib xyoo 2021. Qhov no yog ib qhov chaw hauv online uas txuas cov tsev neeg muaj me nyuam yaus thiab cov neeg pab nrog lawv mus rau cov kev pab cuam hauv zej zog kom txhawb kev loj hlob thiab kev noj qab nyob zoo. Niaj hnub no, qhov website muaj ntau tshaj 14,000 qhov kev pab. Muaj cov pawg kev pab xws li kev kawm thaum yau, chaw zov me nyuam, kev kho hniav thiab kev noj qab haus huv, thiab kev pab rau cov niam uas cev xeeb tub. Tsuas nyuam qhuav pib ib lub tshuab tshiab electronic referral uas pab kom yooj yim dua rau cov neeg pab xa cov tsev neeg mus nrhiav kev pab. Koj siv tau qhov QR code uas muab rau hnub no los nrhiav ECFE hauv Help Me Connect. Ua ntej peb xaus, kuv xav mloog nej cov lus teb. Ib lo lus nug yuav tshwm rau koj lub vij tsam: Koj muaj kev cia siab dab tsi rau ECFE 50 xyoo tom ntej no? Sau koj cov lus teb kom luv. Ua tsaug uas nej los ua kev zoo siab nrog peb txog 50 xyoo ntawm ECFE. Peb cia siab tias hnub no nej yuav txaus siab thiab muaj siab ntxiv. ECFE yeej ib txwm hais txog tsev neeg. Peb tau tsim ib yam loj heev ua ke. Yog koj xav txuas ntxiv, thov hu rau DCYF EIMS. Tam sim no, qhov QR code rau Minnesota Story Collective twb nyob rau ntawm koj lub vij tsam lawm. Ua tsaug uas nej tuaj nrog peb ua kev zoo siab txog ECFE 50 xyoo. Nej txoj kev mob siab, nej tej zaj dab neeg thiab kev koom tes tseem tab tom pab txhawb peb tej me nyuam thiab tsev neeg hauv Minnesota. Ua ke peb yuav mus 50 xyoo ntxiv. Cia peb txuas ntxiv los tsim, los npau suav, thiab los loj hlob ua ke. Ua tsaug thiab thov kom nej noj qab nyob zoo.